

Broj: 01-04-2-97/2023

Sarajevo, 22. 05. 2023. godine

Na osnovu člana 20. Statuta Fonda za zaštitu okoliša Federacije BiH („Službene novine Federacije BiH“, broj 33/06, 1/15 i 62/19), te odredbi člana 70. stav (3) Zakona o javnim nabavkama („Službeni glasnik BiH“, broj 39/14 i 59/22), direktor Fonda za zaštitu okoliša Federacije BiH donosi sljedeću

O D L U K U

o izboru najpovoljnijeg ponuđača

I

Najpovoljnijem ponuđaču Sarajevo-osiguranje d.d. Sarajevo, broj ponude 01-3190/23 od 15.05.2023. godine, u postupku javne nabavke usluga osiguranja službenih vozila Fonda za zaštitu okoliša Federacije BiH, dodjeljuje se okvirni sporazum o nabavci usluga osiguranja službenih vozila Fonda za zaštitu okoliša Federacije BiH u iznosu od 7.581,00 KM bez PDV-a.

II

Ova odluka objavit će se na web stranici Fonda za zaštitu okoliša Federacije BiH istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke, broj: 01-04-2-81/2023 od 03.05.2023. godine. Javna nabavka je sprovedena putem postupka konkurentskog zahtjeva za dostavu ponuda. Ukupna procijenjena vrijednost javne nabavke bila je do 9.300,00 KM bez PDV-a.

Obavještenje o nabavci broj: 1382-7-2-18-3-13/23 objavljeno je na portalu javnih nabavki dana 03.05.2023. godine u 13:00 sati, dok je na osnovu člana 11. stav (1) Uputstva o uslovima i načinu objavljivanja obavještenja i dostavljanja izvještaja o postupcima javnih nabavki na portalu javnih nabavki („Službeni glasnik BiH“, broj 80/22), sažetak obavještenja objavljen u „Službenom glasniku BiH“ – Oglasnik javne nabavke dana 12.05.2023. godine pod brojem 33/23.

Tendersku dokumentaciju preuzelo je 8 (osam) ponuđača, dok su ponude u skladu sa provedenim postupkom javne nabavke dostavili sljedeći ponuđači:

R.br.	Broj protokola	Naziv/ime ponuđača	Datum i sat prijema
1.	U-04-1595/2023	Croatia-osiguranje d.d. PJ Sarajevo	17.05.2023. godine u 14:05 sati
2.	U-04-1596/2023	Sarajevo-osiguranje d.d. Sarajevo	18.05.2023. godine u 9:05 sati
3.	U-04-1602/2023	Adriatic osiguranje d.d. Sarajevo	18.05.2023. godine u 9:45 sati

Krajnji rok za prijem ponuda bio je 18.05.2023. godine do 12:00 sati.

Komisija za javnu nabavku formirana Rješenjem o imenovanju komisije, broj 01-04-2-93/2023 od 17.05.2023. godine (u daljem tekstu: Komisija) pristupila je javnom otvaranju ponuda dana 18.05.2023. godine u 12:15 sati, te je konstatovala da su dostavljene ponude navedenih ponuđača blagovremene i prihvatljive, o čemu je sačinila Zapisnik o otvaranju ponuda, te kopiju istog dostavila navedenim ponuđačima putem e-maila u skladu sa članom 63. stav (6) Zakona.

U skladu sa članom 63. stav (7) Zakona, Komisija je provela postupak provjere kvalifikacije ponuđača i ocjene ponuda na zatvorenoj sjednici, te je nakon izvršenog pregleda i ocjene istih utvrdila da:

- ponuda ponuđača Croatia-osiguranje d.d. PJ Sarajevo, broj: 16-5-23 od 16.05.2023. godine sa ponuđenom cijenom u iznosu od 14.752,78 KM bez PDV-a i rokom za isplatu štete od 1 (jednog) dana, ne ispunjava sve uslove propisane u tenderskoj dokumentaciji,
- ponuda ponuđača Sarajevo-osiguranje d.d. Sarajevo, broj: 01-3190/23 od 15.05.2023. godine sa ponuđenom cijenom u iznosu od 7.581,00 KM bez PDV-a i rokom za isplatu štete od 1 (jednog) dana, ispunjava sve uslove propisane u tenderskoj dokumentaciji,
- ponuda ponuđača Adriatic osiguranje d.d. Sarajevo, broj: 71/23 od 12.05.2023. godine sa ponuđenom cijenom u iznosu od 7.976,14 KM bez PDV-a i rokom za isplatu štete od 1 (jednog) dana, ispunjava sve uslove propisane u tenderskoj dokumentaciji.

U skladu sa tačkom 3.3.2. tenderske dokumentacije, ugovorni organ je odredio procijenjenu vrijednost nabavke u iznosu od 9.300,00 KM bez PDV-a. Uvidom u dostavljenu ponudu ponuđača Croatia-osiguranje d.d. PJ Sarajevo, broj ponude: 16-5-23 od 16.05.2023. godine, utvrđeno je da cijena ponude navedenog ponuđača iznosi 14.752,78 KM bez PDV-a, a koja cijena prelazi planirana, odnosno osigurana novčana sredstva ugovornog organa za nabavku. S tim u vezi ponuda ponuđača Croatia-osiguranje d.d. PJ Sarajevo ima se smatrati neprihvatljivom u skladu sa članom 2. stav (1) tačka 1) podtačka 2), te se ista odbacuje u skladu sa članom 68. stav (4) tačka j).

Uzimajući u obzir pristigle prihvatljive ponude ponuđača prema kriteriju za izbor ponude, daje se sljedeći pregled:

R.br.	Naziv ponuđača	Cijena	Rok za isplatu štete	Broj bodova	Rang
1.	Sarajevo-osiguranje d.d. Sarajevo	7.581,00 KM bez PDV-a	1 dan	100,00	1
2.	Adriatic osiguranje d.d. Sarajevo	7.976,14 KM bez PDV-a	1 dan	95,29	2

Nakon provedenog postupka provjere kvalifikacije ponuđača i ocjene ponuda, Komisija je sačinila i dostavila direktoru Fonda za zaštitu okoliša Federacije BiH Zapisnik o pregledu i ocjeni ponuda od 18.05.2023. godine koji ujedno predstavlja i Izvještaj o radu Komisije, zajedno sa Preporukom za donošenje odluke o izboru najpovoljnijeg ponuđača od 18.05.2023. godine.

Uzimajući u obzir rezultate provedenog postupka, odnosno činjenicu da je kriterij za izbor najpovoljnijeg ponuđača ekonomski najpovoljnija ponuda, kao najpovoljnija

ponuda u predmetnom postupku javne nabavke smatra se ponuda ponuđača Sarajevo-osiguranje d.d. Sarajevo, te se okvirni sporazum o nabavci usluga osiguranja službenih vozila Fonda za zaštitu okoliša Federacije BiH dodjeljuje ponuđaču Sarajevo-osiguranje d.d. Sarajevo, broj ponude 01-3190/23 od 15.05.2023. godine sa ponuđenom cijenom u iznosu od 7.581,00 KM bez PDV-a.

U skladu sa naprijed navedenim, odlučeno je kao u dispozitivu ove odluke.

POUKA O PRAVNOM LIJEKU:

Protiv ove odluke može se izjaviti žalba u roku od 5 (pet) dana od dana prijema ove odluke.

Fond za zaštitu okoliša
Federacije BiH



Esad Humo, direktor

Dostaviti:

- ponuđačima
- Sektoru za finansije
- a/a